



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 56. Laurerii Cardinalis mors.

[urn:nbn:de:hbz:466:1-66615](#)

sit Juris divini. Observandum tandem, Sæcul. XVI.
 quod hic idem Cardinalis quasdam e- A.C. 1542.
 tiam epistolas scripserit, suam vero ex-
 plicationem Psalmi: *Ad te levavi &c.*
 elucubraverit, stimulatus precibus cu-
 jusdam fororis suæ, quæ relicto sæculo
 in quodam asceterio sese Deo sacrave-
 rat.

§. LVI.

Laurerii Cardinalis mors.

Hoc item anno quartus inter Cardinales obiit Dionysius Laurerius, seu ^p 672. *Ciacon. t. 3.*
Ughel. Au-
 melius, Lorerius, Beneventi ex obscu- ^{bry l. c.}
 ro genere ortus: cum tamen juvenis ad- ^{Sadol l. 3. ep.}
 modum Ordinem Servorum ingressus ^{13. 14. & 15.}
 esset, adeo in literis excelluit, ut pro-
 gressu temporis Perusiae, Bononiæ, ac
 demum Romæ, ubi etiam cum applau-
 fu Concionatoris munere functus est,
 Philosophiam, Mathesin ac Theologiam
 traderet, tandemque supremus Ordinis
 sui Magister eligeretur: eo autem tem-
 pore, quo a Clemente VII. in fidei ne-
 gotiis ad Henricum VIII. Orator decer-
 nebatur, non nisi Generalis Procurato-
 ris officium obibat, ex Anglia vero Ro-
 manam redux primum in comitiis genera-
 libus supremus Ordinis sui Præses re-
 nuntiatus erat, ac paulo post a Paulo
 III. Papa in Scotiam missus est, eidem-
 que concessa fuit amplissima facultas

Sæcul. XVI. visitandi ac corrigendi Monasteria, pro-
A.C. 1542. ut ei necessarium videretur. Ferunt,
 quod Lorerius Paulo III., cum is ad-
 huc Cardinalis esset, Pontificatum præ-
 dixerit, postquam vero e Scotia in Ita-
 liam revertebatur, ab eodem jamjam ad
 Apostolicæ Sedis regimen evecto inter
 Cardinales anno Christi millesimo quin-
 gentesimo trigesimo nono cooptatus est,
 adjecto S. Marcelli titulo. Hunc Car-
 dinalem insimulant nonnulli, quod am-
 plissimis pollicitationibus sibi a Carolo
 V. Cæsare factis ita fascinatus fuerit, ut
 in publico Patrum Senatu Gallorum Re-
 gem titulo Regis Christianissimi privan-
 dum proponere ausus fuerit, quamvis
 omnes ferme Cardinales, imo illi etiam,
 qui Imperatori favebant, immoderatam
 hanc propositionem rejecerint, atque in-
 ter eos Dominicus de Cuppis sacri Col-
 legii Decanus Lorerium hac de re intre-
 pide redarguerit, nec non aliud quidam
 Cardinalis eum indignanter ac contem-
 ptim respiciens dixerit: „Sinite latra-
 „re hunc canem; apparet enim, quod
 „non nisi frustum panis quærat. „Eo
 tempore Lorerius non nisi Urbini Epi-
 scopus ac Campaniæ Romanæ Legatus
 erat (*). Obiit Romæ die decima se-
 pti-

(*) Hæc relatio potius fabulis annumerari
 meretur; cur enim a nullo Scriptore nomen il-
 lius

ptima Septembris anno Servatoris no- Sæcul. XVI.
stri millesimo quingentesimo quadrage- A.C. 1542.
simo secundo, cum vixisset annos qua-
draginta quinque, sepultusque est in Ec-
clesia S. Marcelli, atque a Patre Domi-
nico de Verona Servita oratione fune-
bri commendatus.

§. LVII.

Joannes Faber mortuus.

Obiiit pariter eodem hoc anno Joan- Dupin. Bibl.
nes le Fevre, seu Faber, natione des Aut. Ec-
Helvetius, qui Ferdinando adhucdum clef. tom. 14.
Archiduci ab epistolis, nec non a secre- in 4. p. 164.
tioribus consiliis erat, postea vero eo-
dem Archiduce in Romanorum Regem
electo Constantiensis Canonicus, ac de-

G 5 mum

lius Cardinalis, qui hæc protulisse refertur, pro-
ditur; qua ratione Lorerius, si tum non nisi Ur-
binatis Episcopus, ac Campaniæ Romanæ Lega-
tus fuit, Romæ in publico Cardinalium Senatu
hæc proponere potuit: hanc in rem apud Jo-
vium, & Ciaconium duntaxat hæc leguntur:
*In hoc Scriptorum illius ævi nonnulli Lorerium
male habent, quod a Carolo V. obfirmate contra
Franciscum I. Galliarum Regem steterit, eun-
demque tum maxime damnant, quando IN PU-
BLICO TOTIUS ORBIS CHRISTIANI
CONGRESSU contra Galliarum Regem ve-
hementissime, ut refert in sua Historia Jovius,
peroravit &c.*